

秩祀志 舊序

大事在祀疏則怠黷則褻自古嚴之安仁夙少淫祀第
前志叙祀事而先以文廟殊失獨尊之意今入學校志
唯城隍為邑主宰先農社稷雷雨諸壇為民祈報據依
令甲釐正之若漢前將軍英靈瀾寰宇唐柳侯躍馬鞭
龍惠流本土宋張將軍忠貫日月之氣士民望走如響
答焉春秋駿奔有舉無廢其餘能禦災捍患曾為德於
鄉而鄉之人自為裡祀者亦附錄左方

城隍廟舊封德王顯忠王顯佑伯洪武三年去舊封號稱

安仁城隍之神二仲上戊設主於壇合祭又於清明七

安仁縣志

卷之四

秩祀

月十五十月初一祭邑厲則迎神以主祭一依洪武儀
制廟在安平坊後徙東隅冲虛山左正德間知縣楊材
汪濟民相繼新之桂文襄公有記

社稷壇在縣東隅玉真山後頒制創式為壇袤二丈五尺
高三尺四寸土陞三級壇北九丈五尺東西南各一丈
五尺壇南立石壝二如覆鐘狀員上豐下高一尺五寸
為神憑依繚以墻垣作神庫置神櫃木主二硃漆青書
縣社之神縣稷之神臨祭設於壇南社主置東稷主置
西羊二豕二籩豆各八簋簋各四尊三爵六鉶二帛二
黑色長一丈八尺每祭春秋仲月上戊日

先農壇在冲虛山至道觀右雍正伍年奉文建祭以豕一
羊一牛一籩豆各八黑帛五穀

風雷雲雨山川壇在縣治東玉真門外右手今廢基存後
改在北隅義倉規制與社稷同但門由南入一書本縣
境內山川之神居左一書風雲雷雨之神居中一書本
縣城隍之神居右祭以春秋仲月上戊日羊三豕三帛
七

芒神每春前一日迎之於東郊立春日祭於儀門之東

旗纛霜降日詣演武場升旗於臺祭之儀式同山川壇

厲壇在縣治西藍溪橋壇一埧二神厨三石刻祝文碑一

安仁縣志

卷之四

秩祀

二

碑亭一每歲清明七月十五十月初一主祭常服迎城

隍位於壇上設無祀鬼神於壇下羊三豕三米三斗制

與社稷同按舊制民間每百戶各制一壇曰里社壇

鄉厲壇凡鄉社人民春秋二社祀五土五穀之神祭畢

讀誓長幼以次坐其各鄉厲壇每里設一壇以祭無祀

鬼神告請城隍之神主祭會飲讀誓等儀與祭里社同

關帝廟在城東隅冲虛山至道觀左祠宇湫隘自明迄今

邑人會衆疊次鼎建煥然一新祭以豕二羊一牛一籩

豆各八絹帛每歲五月十三日及春秋二仲月致祭

惠寧廟在北隅祀唐進士柳公之神每歲春秋二仲月上

戊日致祭 有傳附後

公潭州人唐武德九年道經安仁遊玉真山見山水奇異於上建讀書之所後疾作而歿葬溪南黎浦嶺遂著靈應邑人于讀書所祀之貞觀四年張玄素奏封惠澤王乾符間王仙芝叛兵侵境其夜夢神躍馬驅兵次日拒敵神乘白馬雲端賊首墜馬死羣兇驚散是年洪水為害邑人於廟避水夢神投檄溪潭鞭龍遏水平明視之溪水去五尺許矣鞭龍曾遏滔天水躍馬能驅半夜兵蓋實錄也邑令蔣公靜欲伐祠旁檜樹夜夢雲端神現遂不伐復有詩立石以記其事宋淳祐迄元至大累封

安仁縣志

卷之四

秩祀

三

靈顯忠烈惠澤王顯應普惠冲佑真君至正壬辰兵燬明洪武戊申邑人大夫王公溥至自京師同指揮使王忠協力鼎建奕然舊觀是歲大旱邑人李思信澡心雪辭禱於神三日而甘澍大作遠近霑足士民慶于途為碑以記之詳見倪公鏜記中

張王廟在江介祠前左祀宋忠臣張公之神每歲春秋二仲月上戊日致祭 有傳附後

公名孝忠字正綱淮安山陽人仕宋授管屯千軍大使隸五砮鎮撫使呂文福部下德佑元年二月文福率所部淮兵入衛至饒州殺使者入江州叛降元公不屈率其

徒淮士百餘人之湖廣投檢校少保高達四月元兵攻江陵達降公又不屈之洪州是冬洪又降公又不屈之信州昔謝公枋得為江東提刑公率所從赴謝謝喜得淮士授承信郎帳前都提點推心膂任之公感激籌策部署咸獲其用二年正月元呂師夔徇江東公禦之陣於江西饒州府安仁縣之團湖坪相持數日大戰者屢矢盡公揮雙刀擊殺百餘人前軍稍却元後陣大集統出宋陣後于高岡上立元赤幟後衆驚潰俄矢中馬鼻馬介繫又絕乃步戰死之元兵義之求之仆屍中嘆曰壯士壯士取衾覆之而安仁為元兵所據元兵入安仁

安仁縣志

卷之四

秩祀

四

忽夜半城東南角鼓角齊喧喊哮騰湧若干軍萬馬狀元將急起視之皆微月淡星見公騎白馬舞雙刀雲霧中往來衝突元將拜而謝焉事定土人皆見其持刀走馬長恨不平復見夢于邑人上官敬和和感其忠勇靈異塑像于柳王廟之左廡數著靈異水旱疾疫禱之必應元儒學教授胡式入京禱于祠中約至京求朝士為文刻之石以示不朽乃未暇文宗至順元年式與編元朝經世大典明年書成忽感寒疾不能執筆友人蕭徵筮之驚曰若嘗以文字有諾責於神者式遽曰是張公也取筮祝之曰聞書局官歐陽學士當候式與祠記屬

之可乎擲得吉詰朝歐來式具以實告歐允諾式疾即
瘳歐作記之外又作迎饗送神詩以遺祠者使併刻之
石辭曰醜酒兮滿壺陳牲兮驅辜神降兮醉飽割牲兮
飲醑佩長劍兮荷長戈在室兮矢在樹生為人兮盡
瘁死歿為神兮降嘏異世世有明主兮咸秩無文不廢
明祀兮以勸事君神去兮奈何鼓坎坎兮巫屢歌神思
奮兮挽天河挽天河兮洗斧折祛厲鬼兮阜昔康民無
蓄兮物無害忽長嘯兮倚天外元元統二年教授胡式
內陞翰林院編脩奏封公翊靈威烈忠毅張元帥明洪
武三十五年安仁令邵真上其事禮部勘合置牌位稱
按淮安即楚州舊志謚楚道州今改正

安仁縣志

卷之四

秩祀

五

號如前春秋兩祭康熙乙卯年廟燬于火康熙十九年
饒州知府黃家遴率安仁知縣胡績顯重建迄今虔祀
忠勇祠在惠寧廟前左祀明倪洌以姚源兵變戰死勅封
毅烈迪功郎每祭春秋二仲月上戊日從前亦動公項
致祭乾隆六年撫院陳公弘謀將江西祭銀均派畫一
飭縣造冊遺漏前項致倪姓後裔於乾隆八九年間疊
次懇請詳復藩司彭公家屏批縣查款撥補現在捐俸
致祭俟查有閒款之日另詳請撥附記於此

按吳楚俗尚鬼安仁在餘干之交故正祀之外又有曰

晏公廟在縣西隅祀平浪侯晏公之神凡水運必禱於神以祈無虞曰吳嶺廟長城鄉十八都祀長沙王吳芮之神舊傳王與車王戰此山頂石上有巨人跡靈井虔禱則水湧土人以九江王布烈侯梅鎬配祀曰三峰廟崇義鄉二都祀晉石敬純父勤為牛昌隱諸死報仇追昌隱至貴溪殺之其山自鳴民稱自鳴山禱輒應曰雲溪廟長城鄉十八都宋理宗發師北征士卒見旗有周雄字遂捷封護國宣靈侯盤石多峰雲溪三處見衣冠黑面救疾疫必愈問姓名曰周雄也故各祠皆祀之曰五顯廟榮祿鄉盤石村祀婺

安仁縣志

卷之四

秩祀

六

源靈順五顯之神曰壺州洞庭廟榮祿鄉十一都祀洞庭仁孝顯王之神曰多峰廟崇德鄉十三都祀平南周公之神三神不詳所自仍舊志錄之若晏公以下生以功德利民則沒而食茲土也亦宜